



Cúntóir Léirithe Cúla4

Conradh Buan

Fáilteoidh TG4 roimh iarratais ar an bpost: Cúntóir Léirithe Cúla4. Beidh an té a cheapfar freagrach as cúnamh a thabhairt Cainéal Cúla4 a riar agus a chomhordú. Sa gCeannáras i mBaile na hAbhann a bheidh an post lonnaithe. Tá polasaí oibre solúbtha i bhfeidhm ag TG4. Beidh an té a cheapfar freagrach do Bhainisteoir Chainéal Cúla4.

Is fostóir comhionannas deiseanna é TG4 agus déanfar iarratais incháilithe a mheas beag beann ar inscne, gnéaschlaonadh, aois, taithí shóisialta, cine agus eitneacht, éagumas, stádas sibhialta an teaghlaigh, creideamh nó ar duine den Lucht Siúil atá i gceist. Tá dearcadh dearfach ag TG4 i leith na hÉagsúlachta. Fáilteoidh muid roimh iarratais ó dhaoine a bhfuil cúlraí éagsúla acu.

Cúraimí

Beidh an té a cheapfar freagrach as cúnamh a thabhairt Cainéal Cúla4 a riar agus a chomhordú.

I measc na gcúraimí a bheidh i gceist, beidh:

- Comhordú a dhéanamh ar ábhar craolta do Chainéal Cúla4
- Comhordú a dhéanamh ar ábhar do Chainéal YouTube agus do shuíomh Cúla4
- Cúnamh a thabhairt obair léirithe a dhéanamh ar ábhar Cúla4.
- Comhordú a dhéanamh ar ábhar Bolscaireachta & Poiblíochta Cúla4
- Cúnamh a thabhairt leis an eagrúchán ag ócáidí Cúla4
- Cúnamh a thabhairt le comhfhreagras ó Cúla4
- Aon dualgais bhailí eile a iarrann Bainisteoir na Rannóige ort a chomhlíonadh.

Nithe atá riachtanach don phost seo:

- A bheith tiomanta d'Fhís, Misean agus Straitéis TG4 a chur i bhfeidhm.
- Is í an Ghaeilge teanga oibre TG4 agus mar sin tá sé riachtanach go mbeadh Gaeilge den scoth ag an té a cheapfar, idir labhairt agus scríobh na teanga.
- Cumas maith eagrúcháin.
- Eolas agus tuiscint ar lucht féachana Cúla4
- Taithí Léirithe
- Súil ghrinn eagarthóireachta a bheith agat maidir le hábhar físe.
- Fócas dearfach, bealach maith le daoine agus ábalta ceangal a chothú le comhghleacaithe agus leis an bpobal.

- Sárthuisicint ar na féidearthachtaí a bhaineann leis na meáin shóisialta, le YouTube agus leis na hardáin dhigiteacha chun lucht féachana a aimsiú.
- Taithí mhaith ar chúrsaí riaracháin agus ríomhaireachta (ardtuiscint ar Excel, MS Office agus ábalta córais nua a fhoghlaim go tapa).
- A bheith ábalta feidhmiú go muiníneach agus go héifeachtach as do stuaim féin i dtimpeallacht spreagúil.
- Ábalta spriocanna oibre a chomhlíonadh agus a chinntiú go mbeidh ábhar, a bheidh ar ardchaighdeán, réidh agus ar fáil in am.

4pm Déardaoin an 29 Eanáir 2026 an spriocdháta d'iarraitais. Seol CV mar aon le litir iarraitais chuig: cv@tg4.ie

Eolas Breise don Iarratasóir

Grád an Phoist: Grád 5

Uaireanta Oibre:

39 uair sa tseachtain. Táthar ag súil, mar gheall ar riachtanais an phoist, go mbeifeá solúbtha ó am go ham, i.e. go mbeifeá sásta, scaití, oibriú lasmuigh d'uaireanta oifige, ag an deireadh seachtaine agus ar laethanta saoire bainc.

Laethanta Saoire:

Chomh maith leis na laethanta saoire bainc reachtúla, beidh tú i dteideal 23 lá de shaoire íoctha in aghaidh na bliana.

Pinsean:

Tá baill foirne TG4 i dteideal dul isteach i nGrúpscéim Pinsin TG4 faoi réir théarmaí aon scéime atá ann cheana.

Taisteal: Beidh taisteal in Éirinn i gceist ó am go ham mar chuid den ról.

Buntáistí eile a bhaineann le bheith ag obair i TG4:

• Deiseanna Oiliúna agus Forbartha • Saoire Staidéir agus Scrúduithe	• Táillí Ballraíochta Gairmiúla • Pinsean Ranníocach • An Clár Cúnaimh d'Fhostaithe • An Scéim um Rothaíocht chun na hOibre
---	--